

摘藻堂四庫全書薈要

史部

欽定四庫全書薈要

史部

資治通鑑卷一百一十三



詳校官編修臣汪鏞

欽定四庫全書薈要卷七千九十八

史部

資治通鑑卷一百一十二 宋 司馬光 撰

胡三省 音註

晉紀三十四

起重光赤奮若盡玄
默攝提格凡二年

安皇帝丁

隆安五年春正月武威王利鹿孤欲稱帝羣臣皆勸之

安國將軍鎡勿崙曰

安國將軍漢獻帝以授張
楊鎡託侯翻崙盧昆翻

吾國自

上世以來被髮左衽

被皮
義翻

無冠帶之飾逐水草遷徙無

城郭室廬故能雄視沙漠抗衡中夏

夏戶雅翻

今舉大號誠

順民心然建都立邑難以避患儲蓄倉庫啓敵人心不

如處晉民於城郭勸課農桑以供資儲帥國人以習戰

射鄰國弱則乘之彊則避之此久長之良策也

自漢以來善為

夷狄謀者莫過此策矣
處昌呂翻帥讀曰率

且虛名無實徒足為世之質的

將安用之

質受斧的受矢按詩發彼有的毛傳云的質也正義曰毛氏於射侯之事正鵠不明惟猗

嗟傳云二尺曰正亦不言正之所施周禮鄭眾馬融注
皆云十尺曰侯四尺曰鵠二尺曰正四寸曰質則以為
侯皆一丈鵠及正質於一侯之中為此等級則以質為
四寸也王肅引爾雅云射張皮謂之侯侯中謂之鵠鵠

中謂之正正方二尺正中謂之檠檠方六寸檠則質也
舊云方四寸今云方六寸爾雅說明宜從之肅意惟改
質為六寸餘同鄭馬賈逵周禮注云四尺曰正正五重
鵠居其內而方二尺以為正正大於鵠鵠在正內雖內
外不同亦共在一侯鄭於周禮上下檢之以為大射之
侯其中制皮為鵠賓射之侯其中米畫為正正大如鵠
皆居侯中三分之一其燕射則射獸侯侯中畫為獸形
即鄉射記所謂熊侯白質之類射義云孔子曰循聲而
發發而不失正鵠者其惟賢者乎詩云發彼有的以祈
爾爵既言正鵠即引此的則詩人之意以的為正鵠之
謂也司裘注說皮侯之狀云以虎熊豹麋之皮飾其側
又方制之以為質謂之鵠是鄭意以侯中所射之處為
質也此毛傳
唯言的質也
利鹿孤曰安國之言是也乃更稱河西王
更工衡翻王武威則一郡而已王河西
則欲兼漢四郡之地此利鹿孤之志也
以廣武公傳檀

為都督中外諸軍事涼州牧錄尚書事

傳奴
沃翻

二月丙

子孫思出決口

決即
叶翻

攻句章不能拔劉牢之擊之恩復

走入海

復扶
又翻

秦王興使乞伏乾歸還鎮范川盡以其

故部衆配之

為乞伏氏
復強張本

涼王纂嗜酒好獵

好呼
到翻

太常

楊穎諫曰陛下應天受命當以道守之今疆宇日蹙崎

嶇二嶺之間

姑臧南有洪池嶺西
有丹嶺一作刪丹嶺

陛下不兢兢夕惕以

恆弘先業而沈湎遊畋

沈持
林翻

不以國家為事臣竊危之

纂遜辭謝之然猶不悛番禾太守呂超擅擊鮮卑思盤

番禾縣漢屬張掖郡後漢晉省此郡蓋呂氏置劉昫
曰唐涼州天寶縣漢番禾縣地後七緣翻番音盤

思盤遣其弟乞珍訴於纂纂命超及思盤皆入朝

朝直遙翻

超懼至姑臧深自結於殿中監杜尚纂見超責之曰卿

恃兄弟桓桓

孔安國曰桓桓武貌

乃敢欺吾

今人謂相陵為相欺

要當斬卿

天下乃定超頓首謝纂本以恐喝超

喝許葛翻

實無意殺之

因引超思盤及羣臣同宴於內殿超兄中領軍隆數勸

纂酒

數所角翻

纂醉乘步輓車

步輓車不用牛馬若羊等令

車天子小駕亦為副乘

將超等游禁中

將如字

至琨華堂東閣車不

得過纂親將寶川駱騰倚劔於壁推車過閣

將即亮翻
推吐雷翻

超取劔擊纂纂下車禽超超刺纂洞胃

刺七亦翻

川騰與超

格戰超殺之纂后楊氏命禁兵討超杜尚止之

超之結
尚也蓋

有密約

皆捨仗不戰將軍魏益多入取纂首楊氏曰人已

死如土石無所復知何忍復殘其形骸乎

復扶又翻

益多罵

之遂取纂首以徇曰纂違先帝之命殺太子而自立

見事

上卷三年

荒淫暴虐番禾太守超順人心而除之以安宗廟

凡我士庶同茲休慶纂叔父巴西公佗

佗徒河翻

弟隴西公

緯皆在北城

緯于貴翻

或說緯曰超為逆亂公以介弟之親

杜預曰介大也說翰芮翻下同

仗大義而討之姜紀焦辨在南城楊桓

田誠在東苑皆吾黨也何患不濟緯嚴兵欲與佗共擊

超佗妻梁氏止之曰緯超俱兄弟之子何為舍超助緯

自為禍首乎

舍讀曰捨

佗乃謂緯曰超舉事已成據武庫擁

精兵圖之甚難且吾老矣無能為也超弟邈有寵於緯

說緯曰篡賊殺兄弟

謂殺紹又殺弘也說翰芮翻

隆超順人心而討

之正欲尊立明公耳方今明公先帝之長子當主社稷

人無異望夫復何疑

長知兩翻復扶又翻

緯信之乃與隆超結盟

單馬入城超執而殺之讓位於隆隆有難色超曰今如

乘龍上天豈可中下隆遂即天王位

隆字永基光弟寶之子也

大赦

改元神鼎

超先於番未得小鼎以為神瑞故以紀元

尊母衛氏為太后妻楊

氏為后以超為都督中外諸軍事輔國大將軍錄尚書

事封安定公謚纂曰靈帝篡后楊氏將出宮超恐其挾

珍寶命索之

索山客翻

楊氏曰爾兄弟不義手刃相屠我旦

夕死人安用寶為超又問玉璽所在

璽斯氏翻

楊氏曰已毀

之矣后有美色超將納之謂其父右僕射桓曰后若自
殺禍及卿宗桓以告楊氏楊氏曰大人賣女與氏以圖
富貴一之謂甚其可再乎

引左傳之言

遂自殺謚曰穆后桓

犇河西王利鹿孤利鹿孤以為左司馬 三月孫恩北

趣海鹽

海鹽縣本武原鄉秦以為海鹽縣漢屬會稽郡後漢晉屬吳郡今在秀州東南八十里趣七喻

翻

劉裕隨而拒之築城於海鹽故治恩日來攻城裕屢

擊破之斬其將姚盛城中兵少不敵

將即亮翻少詩沼翻

裕夜偃

旗匿衆明晨開門使羸疾數人登城

羸倫為翻

賊遙問劉裕

所在曰夜已走矣賊信之爭入城裕奮擊大破之恩知

城不可拔乃進向滄瀆裕復棄城追之

滄音戶復扶又翻

海鹽

令鮑陋遣子嗣之帥吳兵一千請為前驅

帥讀曰率

裕曰賊

兵甚精吳人不習戰若前驅失利必敗我軍

敗補邁翻

可在

後為聲執嗣之不從裕乃多伏旗鼓前驅既交諸伏皆

出裕舉旗鳴鼓賊以為四面有軍乃退嗣之追之戰沒

裕且戰且走所領死傷且盡至向戰處令左右脫取死

人衣以示閒暇

閒讀曰閑

賊疑之不敢逼裕大呼更戰

呼火故翻

賊懼而退裕乃引歸 河西王利鹿孤伐涼與涼王隆

戰大破之徙二千餘戶而歸 夏四月辛卯魏人罷鄴

行臺魏置鄴行臺見一百一十卷隆安二年 以所統六郡置相州以庾岳

為刺史魏相州統魏郡陽平廣平汲郡頓丘清河六郡杜佑曰後魏置相州於鄴取河東甲居相以名

州 乞伏乾歸至苑川以邊芮為長史王松壽為司馬

公卿將帥皆降為僚佐偏裨將即亮翻帥所類翻 北涼王業憚

沮渠蒙遜勇略欲遠之沮子余翻遠于願翻 蒙遜亦深自晦匿業

以門下侍郎馬權代蒙遜為張掖太守守式又翻 權素豪雋

為業所親重常輕侮蒙遜蒙遜諧之於業曰天下不足

慮惟當憂馬權耳業遂殺權

以余觀之索嗣馬權皆庸夫耳恃倚世資而使氣無

能為也

蒙遜謂沮渠男成曰段公無鑒斷之才

鑒明也斷決也斷丁

亂翻

非撥亂之主曷所憚者惟索嗣馬權今皆已死

索嗣死見

上卷四年

蒙遜欲除之以奉兄何如男成曰業本孤客為吾

家所立恃吾兄弟猶魚之有水夫人親信我而圖之不

祥蒙遜乃求為西安太守業喜其出外許之蒙遜與男

成約同祭蘭門山而陰使司馬許咸告業曰男成欲以

取假日為亂

假居訝翻
休假也

若求祭蘭門山臣言驗矣至期

果然葉叔男成賜死男成曰蒙遜先與臣謀反臣以兄
弟之故隱而不言今以臣在恐部衆不從故約臣祭山
而反誣臣其意欲王之殺臣也乞詐言臣死暴臣罪惡
蒙遜必反臣然後奉王命而討之無不克矣業不聽殺
之蒙遜泣告衆曰男成忠於段王而段王無故枉殺之
諸君能為報仇乎

偽為于翻

且始者共立段王欲以安衆耳

今州土紛亂非段王所能濟也男成素得衆心衆皆憤

泣爭奮比至氏池

氏池縣漢屬張掖郡晉省其地屬唐甘肅張掖縣界比必寐翻及也氏丁

尾翻又音低

衆逾一萬鎮軍將軍臧莫孩率所部降之

孩河開翻

降戶江翻下同

羌胡多起兵應蒙遜者蒙遜進逼侯塢業先疑

右將軍田昂囚之至是召昂謝而赦之使與武衛將軍

梁中庸共討蒙遜別將王豐孫言於業曰

將即亮翻

西平諸

田世有反者昂貌恭而心險不可信也業曰吾疑之久

矣但非昂無可以討蒙遜者昂至侯塢率騎五百降於

蒙遜業軍遂潰中庸亦詣蒙遜降

危疑反側之時用言為難而用人為尤難

當此之際非有明略雄斷不能濟也

五月蒙遜至張掖田昂兄子承愛斬

關內之業左右皆散蒙遜至業謂蒙遜曰孤孑然一已

為君家所推願勾餘命

勾古泰翻乞也

使得東還與妻子相見

蒙遜斬之

北涼段業四年而亡

業儒素長者

長知兩翻

無他權略威禁

不行羣下擅命尤信卜筮巫覡

覡它狄翻

故至於敗沮渠男

成之弟富占將軍俱僊帥戶五百降於河西王利鹿孤

僊石子之子也

僊倫追翻俱石子見一百六卷孝武太元十年帥讀曰率下同

孫恩

陷滄瀆殺吳國內史袁崧死者四千人

崧當作山松

涼王

隆多殺豪望以立威名內外囂然人不自保魏安人焦

朗

魏安縣在武威昌松縣界蓋曹魏所置也而晉志不見後魏置魏安郡

遣使說秦隴西

公碩德曰呂氏自武皇棄世

呂光偽誡懿武皇帝說輸丙翻

兄弟相攻

政綱不立競為威虐百姓饑饉死者過半今乘其篡奪

之際取之易於返掌

易以返翻返當作反

不可失也碩德言於秦

王興帥步騎六萬伐涼乞伏乾歸帥騎七千從之六

月甲戌孫恩浮海奄至丹徒

丹徒縣古朱方也後曰谷陽秦改曰丹徒漢屬會稽

郡後漢屬吳郡晉屬晉陵郡地理志曰秦時望氣者云其地有天子氣始皇使赭衣三千人鑿城敗其勢改曰

丹徒戰士十餘萬樓船千餘艘艘蘇建康震駭乙亥内外

戒嚴百官入居省内冠軍將軍高素等守石頭

冠古

輔

國將軍劉襲柵斷淮口

秦淮入江之口也斷丁管翻

丹陽尹司馬恢

之戍南岸冠軍將軍桓謙等備白石左衛將軍王嘏等

屯中堂徵豫州刺史譙王尚之入衛京師劉牢之自山

陰引兵邀擊恩未至而恩已過乃使劉裕自海鹽入援

裕兵不滿千人倍道兼行與恩俱至丹徒裕衆既少

少詩

沼翻加以涉遠疲勞而丹徒守軍莫有鬪志恩帥衆鼓譟

登蒜山

蒜山今在鎮江府城西三里山上多蒜故名蒜蘇貫翻

居民皆荷擔而立

荷下可翻
擔都濫翻

裕帥所領奔擊大破之

帥讀曰
率下同

投崖赴水者

甚衆恩狼狽僅得還船然恩猶恃其衆尋復整兵徑向

京師

復扶又
翻下同

後將軍元顯帥兵拒戰頻不利會稽王道

子無他謀略惟日禱蔣侯廟

蔣侯廟在蔣山在今建康府上元縣東北十八里漢

末秣陵尉蔣子文討賊戰死山下吳孫
權為立廟江東朝野禱之率有靈應

恩來漸近百姓

恐懼

忪許
拱翻

譙王尚之帥精銳馳至徑屯積弩堂恩樓船

高大沂風不得疾行數日乃至白石恩本以諸軍分散

欲掩不備既而知尚之在建康復聞劉牢之已還至新

洲

新洲在京口西大江中意即今之珠金沙是也復扶又翻

不敢進而去浮海北走

郁洲

水經註曰東海朐縣東北海中有大洲謂之郁洲山海經所謂郁山在海中者也

恩別將

攻陷廣陵殺三千人寧朔將軍高雅之擊恩於郁洲為

恩所執

寧朔將軍蓋晉置

桓玄厲兵訓卒常伺朝廷之隙

伺相吏翻

聞孫恩逼京師建牙聚衆上疏請討之元顯大懼會恩

退元顯以詔書止之玄乃解嚴梁中庸等共推沮渠

蒙遜為大都督大將軍涼州牧張掖公赦其境內改元

永安蒙遜署從兄伏奴為張掖太守和平侯弟挐為建

忠將軍都谷侯

從才用翻
挐女余翻

田昂為西郡太守臧莫孩為

輔國將軍房晷梁中庸為左右長史張隲謝正禮為左

右司馬

隲之
日翻

擢任賢才文武咸悅

河西王利鹿孤命

羣臣極言得失西曹從事史嵩曰

嵩古
老翻

陛下命將出征

將即亮
翻下同

往無不捷然不以綏寧為先唯以徙民為務民

安土重遷故多離叛此所以斬將拔城而地不加廣也

利鹿孤善之

秋七月魏兖州刺史長孫肥

魏未得兖
州也使肥

以充州刺史
南略地耳

將步騎二萬南徇許昌東至彭城將軍劉

該降之

將步即亮翻騎奇寄
翻降戶江翻下同

秦隴西公碩德自金城

濟河直趣廣武河西王利鹿孤攝廣武守軍以避之

七趣

喻翻攝
收也

秦軍至姑臧涼王隆遣輔國大將軍超龍驤將

軍邈等逆戰

驤思
將翻

碩德大破之生禽邈俘斬萬計隆嬰

城固守巴西公佗帥東苑之衆二萬五千降於秦

帥讀
曰率

西涼公曷河西王利鹿孤沮渠蒙遜各遣使奉表入貢

於秦

曷古老翻使疏
吏翻沮子余翻

初涼將姜紀降於河西王利鹿孤

廣武公儁檀與論兵略甚愛重之

儁奴沃翻

坐則連席出則

同車每談論以夜繼晝利鹿孤謂儁檀曰姜紀信有美

才然視候非常必不久留於此不如殺之紀若入秦必

為人患儁檀曰臣以布衣之交待紀紀必不相負也八

月紀將數十騎奔秦軍

禿髮兄弟皆推儁檀之明略余完觀儁檀始末未敢許也又完

觀姜紀自涼入秦始末則紀蓋反覆詭譎之士而儁檀受重之則儁檀蓋以才辨為諸兄所重而智略不能濟

此其所以亡國也

說碩德曰呂隆孤城無援明公以大軍臨之

其勢必請降然彼徒文降而已未肯遂服也請給紀步

騎三千與王松忽因焦朗華純之衆

王松忽秦將也焦朗華純皆涼人說

翰苒翻華
户化翻

伺其釁隙隆不足取也不然今禿髮在南兵

彊國富若兼姑臧而據之威執益盛沮渠蒙遜李暠不

能抗也必將歸之如此則為國家之大敵矣碩德乃表

紀為武威太守配兵二千屯據晏然

班固地理志武威休屠縣王莽改曰

晏然後復曰休屠永寧中張軌於姑臧西北置武興郡晏然縣屬焉

秦王興聞楊桓之賢

而徵之利鹿孤不敢留

史言諸涼畏秦之強

詔以劉裕為下邳

太守討孫恩於郁洲累戰大破之恩由是衰弱復緣海

南走

復扶又翻

裕亦隨而邀擊之

燕王盛懲其父寶以懦

弱失國務峻威刑又自矜聰察多所猜忌羣臣有纖介

之嫌皆先事誅之

先悉薦翻

由是宗親勲舊人不自保丁亥

左將軍慕容國與殿上將軍秦興段讚謀帥禁兵襲盛

殿上將軍蓋慕容所置緣晉之殿中將軍而名官也帥讀曰率

事發死者五百餘人壬

辰夜前將軍段璣與秦興之子興段讚之子泰潛於禁

中鼓譟大呼

呼火故翻

盛聞變帥左右出戰

帥讀曰率

賊衆逃潰

璣被創

創初良翻

匿廂屋間俄有一賊從閤中擊盛盛被傷

輦升前殿申約禁衛事定而卒

年二十九慕容盛臨變而整此其雄略亦有過

人者然以猜忌好殺致斃則天下之人固非一人可舞其智略而盡殺也

中壘將軍慕容拔

冗從僕射郭仲白太后丁氏以為國家多難宜立長君

冗而隴翻從才用翻難乃旦翻長知兩翻

時衆望在盛弟司徒尚書令平原

公元而河間公熙素得幸於丁氏丁氏乃廢太子定密

迎熙入宮明旦羣臣入朝

朝直遙翻

始知有變因上表勸進

於熙熙以讓元元不敢當癸巳熙即天王位

熙字道文垂之少子

也捕獲段璣等皆夷三族甲午大赦丙申平原公元以

嫌賜死閏月辛酉葬盛於興平陵謚曰昭武皇帝廟號

中宗丁氏送葬未還中領軍慕容提步軍校尉張佛等

謀立故太子定事覺伏誅定亦賜死

燕王定為太子見上卷四年

丙

寅大赦改元光始

秦隴西公碩德圍姑臧累月東方

之人在城中者多謀外叛魏益多復誘扇之

復扶又翻下復生同

欲殺涼王隆及安定公超事發坐死者三百餘家碩德

撫納夷夏分置守宰

夏戶雅翻守式又翻

節食聚粟為持久之計

涼之羣臣請與秦連和隆不許安定公超曰今資儲內

竭上下嗷嗷雖使張陳復生亦無以為策

張良陳平智謀之士故稱

之

陛下當思權變屈伸何愛尺書單使為卑辭以退敵

使疏
吏翻

敵去之後修德政以息民若卜世未窮何憂舊業

之不復

周成王定鼎於郊鄒卜世三十卜年七百

若天命去矣亦可以保全

宗族不然坐守困窮終將何如隆乃從之九月遣使請

降於秦

降戶江翻下同與姚碩德伐呂隆同時魏書天興五年五月姚

考異曰姚興載記姚平伐魏

平來侵晉元興元年秦弘始四年也晉帝紀晉春秋皆云隆安五年降秦十六國西秦春秋云太初十四年五月乾歸隨姚碩德伐涼南涼春秋云建和二年七月姚碩德伐呂隆孤攝廣武守軍以避之皆隆安五年也按

秦小國既與魏相持豈暇更興兵伐涼蓋載記之誤也今以晉帝紀晉春秋十六國西秦南涼春秋為據 碩

德表隆為鎮西大將軍涼州刺史建康公隆遣子弟及

文武舊臣慕容筑楊頴等五十餘家入質于長安

慕容筑燕

宗室也苻堅滅燕其宗室悉補邊郡故筑留河西筑張六翻質音致下為質同 碩德軍令嚴整

秋毫不犯祭先賢禮名士西土悅之沮渠蒙遜所部酒

泉涼寧二郡叛降於西涼

酒泉郡治福祿縣魏收地形志涼寧郡領園池貢澤二縣

又聞呂隆降秦大懼遣其弟建忠將軍掣牧府長史張

潛

蒙遜自稱涼州牧置牧府長史掣女居翻

見碩德於姑臧請帥其眾東遷

帥讀曰率

碩德喜拜潛張掖太守挈建康太守潛勸蒙遜東

遷挈私謂蒙遜曰姑臧未拔呂氏猶存碩德糧盡將還

不能久也何為自棄土宇受制於人乎臧莫孩亦以為

然

孩何開翻

蒙遜遣子奚念為質於河西王利鹿孤

蒙遜既不東遷

故納質於利鹿孤以求援

利鹿孤不受曰奚念年少可遣挈也

少詩照翻

冬十月蒙遜復遣使上疏於利鹿孤曰臣前遣奚念具

披誠款而聖旨未昭復徵弟挈

復扶又翻

臣竊以為苟有誠

信則子不為輕若其不信則弟不為重今寇難未夷

難乃

旦翻不獲奉詔願陛下亮之利鹿孤怒遣張松侯俱延興

城侯文支將騎一萬襲蒙遜至萬歲臨松

晉書地理志酒泉郡有延

壽縣當是後改為萬歲張天錫置臨松郡五代志曰臨

松縣有臨松山後周省入張掖縣宋白曰隋煬帝併萬

歲入刪丹縣屬張掖郡

將即亮翻騎奇翻執蒙遜從弟鄯善苟子

從才用翻下同

鄯時戰翻康曰鄯善複姓其先西域人以國為姓苟子

其名余據紀文以鄯善苟子為蒙遜從弟則鄯善非姓

也明虞其民六千餘戶蒙遜從叔孔遮入朝于利鹿孤

朝直遙翻

許以挈為質利鹿孤乃歸其所掠召俱延等還文

支利鹿孤之弟也

南燕主備德宴羣臣於延賢堂

備德

本名德既據齊地
增上一字名備德

酒酣謂羣臣曰朕可方自古何等主

青州刺史鞠仲曰陛下中興聖主少康光武之儔

照少詩翻

備德顧左右賜仲帛千疋仲以所賜多辭之備德曰卿

知調朕朕不知調卿邪

調徒了翻又
如字調戲也

卿所對非實故朕

亦以虛言賞卿耳韓範進曰天子無戲言今日之論君

臣俱失備德大悅賜範絹五十疋備德母及兄納皆在

長安備德遣平原人杜弘往訪之弘曰臣至長安若不

奉太后動止當西如張掖

德仕秦為張掖太守其兄納
因家于張掖故弘欲往張掖

訪之以死為効臣父雄年踰六十乞本縣之祿以申烏鳥

之情

慈烏反哺故云然李密陳情表曰烏鳥私情願乞終養

中書令張華曰杜弘

未行而求祿要君之罪大矣

要音邀

備德曰弘為君迎母

為父求祿

為于偽翻

忠孝備矣何罪之有以雄為平原令弘

至張掖為盜所殺十一月劉裕追孫恩至滬瀆海鹽

又破之

滬音扈

俘斬以萬數恩遂自泃口遠竄入海

泃音接

十二月辛亥魏主珪遣常山王遵定陵公和跋帥眾

五萬襲沒奕干於高平

高平漢屬安定魏收志屬涇州新平郡又原州有高平郡鄯道

元云高平川西南去安定
三百四十里帥讀曰率

乙卯魏虎威將軍宿沓干

伐燕攻令支

令音鈴又郎定翻
支音祁又音祇

乙丑燕中領軍宇文拔

救之壬午宿沓干拔令支而戍之 呂超攻姜紀不克

遂攻焦朗

姜紀時據晏然
焦朗據魏安

朗遣其弟子嵩為質於河西

王利鹿孤以請迎利鹿孤遣車騎將軍僂檀赴之比至

超已退

質音致比
必寐翻

朗閉門拒之僂檀怒將攻之鎮北將

軍俱延諫曰安土重遷人之常情朗孤城無食今年不

降

降戶
江翻

後年自服何必多殺士卒以攻之若其不捷彼

必去從他國棄州境士民以資鄰敵非計也不如以善

言諭之僂檀乃與朗連和遂曜兵姑臧壁於胡阬

胡阬在姑

臧西僂檀知呂超必來斫營畜火以待之超夜遣中壘將

軍王集帥精兵二千斫僂檀營

帥讀曰率下同

僂檀徐嚴不起

集入壘中內外皆舉火光照如晝縱兵擊之斬集及甲

首三百餘級呂隆懼僞與僂檀通好

好呼到翻

請於苑內結

盟僂檀遣俱延入盟俱延疑其有伏毀苑牆而入超伏

兵擊之俱延失馬步走凌江將軍郭祖力戰拒之俱延

乃得免僇擅怒攻其昌松太守孟禕於顯美

昌松顯美漢晉皆為

縣屬武威郡呂光改昌松為東張掖郡尋復為昌松郡五代志後周廢顯美入姑臧禕許韋翻

隆遣廣

武將軍荀安國寧遠將軍石可帥騎五百救之安國等

憚僇擅之彊遁還桓玄表其兄偉為江州刺史鎮夏

口

夏戶雅翻

司馬刁暢為輔國將軍督八郡軍事鎮襄陽遣

其將皇甫敷馮該戍湓口移沮漳蠻二千戶于江南

左傳

曰江漢沮漳楚之望也水經沮水出漢中房陵東南過臨沮界又東過枝江縣南入于江漢水出臨沮縣東荆山南至枝江縣北入于沮二水上下皆蠻所居也沮千余翻漳諸良翻

立武寧郡更招集

流民立綏安郡

綏安郡治長寧縣
隋省長寧入長林

詔徵廣州刺史刁達

豫章太守郭昶之

昶丑
兩翻

玄皆留不遣玄自謂有晉國三

分之二數使人上己符瑞

數所角翻
上時掌翻

欲以惑衆又致牋

於會稽王道子曰賊造近郊以風不得進以雨不致火

食盡故去耳非力屈也

會工外翻造七
到翻謂孫恩也

昔國寶死後王

恭不乘此威入統朝政

朝直遙翻
下在朝同

足見其心非侮於明

公也而謂之不忠今之貴要腹心有時流清望者誰乎

豈可云無佳勝直是不能信之耳

江東人士其名位通
顯於時者率謂之佳

勝名

爾來一朝一夕遂成今日之禍

爾來猶言如此以來也

在朝

君子皆畏禍不言玄忝任在遠是以披寫事實元顯見

之大懼張法順謂元顯曰桓玄承藉世資素有豪氣既

并殷楊專有荆楚

殷楊謂殷仲堪楊佺期也并殷楊事見上卷隆安三年

第下之

所控引止三吳耳

第府第也第下猶言門下閣下之類

孫恩為亂東土塗

地公私困竭玄必乘此縱其姦兇竊用憂之元顯曰為

之奈何法順曰玄始得荊州人情未附方務綏撫未暇

佗圖若乘此際使劉牢之為前鋒而第下以大軍繼進

玄可取也元顯以為然會武昌太守庾楷以玄與朝廷

構怨恐事不成禍及於己

庾楷歸桓玄見一百十卷隆安二年

密使人自

結於元顯云玄大失人情衆不為用若朝廷遣軍已當

為內應元顯大喜遣張法順至京口謀於劉牢之牢之

以為難法順還謂元顯曰觀牢之言色必貳於我不如

召入殺之不爾敗人大事

敗必邁翻

元顯不從於是大治水

軍徵兵裝艦以謀討玄

治直之翻艦戶黯翻

元興元年春正月庚午朔

是年三月元顯敗復隆安年號桓玄尋改曰大亨玄篡又

改曰永始元興之元改於是年正月通鑑自是年迄義熙初元皆不改元興之元不與桓玄之篡撥亂世返之也
正下詔罪狀桓玄以尚書令元顯為驃騎大將軍征討

大都督都督十八州諸軍事加黃鉞

時晉之境內有揚徐南徐兗南兗豫

南豫青冀司荆江雍梁益寧交廣十八州而已元顯盡督之使其果能誅桓玄亦必凌上而篡奪之驃匹妙翻

寄奇

又以鎮北將軍劉牢之為前鋒都督前將軍譙王

尚之為後部因大赦改元內外戒嚴加會稽王道子太

傅

會工外翻

元顯欲盡誅諸桓中護軍桓脩驃騎長史王誕

之甥也誕有寵於元顯因陳脩等與玄志趣不同元顯

乃止誕導之曾孫也張灋順言於元顯曰桓謙兄弟每

為上流耳目宜斬之以杜姦謀且事之濟不繫在前軍

不讀而牢之反覆萬一有變則禍敗立至可令牢之殺

謙兄弟以示無貳心若不受命當逆為之所逆為之所及禍患未

來而先為之圖元顯曰今非牢之無以敵玄且始事而

誅大將將即亮翻人情不安再三不可法順與元顯言之再三終以為不可也

又以桓氏世為荆土所附桓冲特有遺惠而謙冲之子

也乃自驃騎司馬除都督荆益寧梁四州諸軍事荊州

刺史欲以結西人之心 丁丑燕慕容拔攻魏令支戍

克之宿沓干走執魏遼西太守那頡

那頡何翻姓也魏書官氏志內入諸

姓有那氏頡胡結翻

燕以拔為幽州刺史鎮令支以中堅將軍遼

西陽豪為本郡太守丁亥以章武公淵為尚書令博陵

公虔為尚書左僕射尚書王騰為右僕射 戊子魏材

官將軍和突攻黜弗素古延等諸部破之初魏主珪遣

北部大人賀狄干獻馬千匹求昏於秦秦王興聞珪已

立慕容后

立慕容后事見上卷隆安四年

止狄干而絕其昏沒奕干黜

弗素古延皆秦之屬國也而魏攻之由是秦魏有隙庚

寅珪大閱士馬命并州諸郡積穀於平陽之乾壁以備

秦魏收地形志平陽禽昌縣漢晉之北屈也有乾城柔

然社崙方睦於秦遣將救黜弗素古延崙盧昆翻辛卯

和突逆擊大破之社崙帥其部落遠遁漠北奪高車之

地而居之帥讀斛律部帥倍侯利擊社崙大為所敗帥

類翻敗倍侯利奔魏社崙於是西北擊匈奴遺種日拔

也雞大破之種章遂吞併諸部士馬繁盛雄於北方其

地西至焉耆東接朝鮮

朝鮮音潮音仙

南臨大漠旁側小國皆

羈屬焉自號豆代可汗

魏收書作丘豆代魏言駕馭開張也汗音寒杜佑曰可汗之號

起於柔然社崙猶言皇帝也而拓拔氏之先通鑑皆書可汗又在社崙之前

始立約束以千

人為軍軍有將百人為幢幢有帥

軍將幢帥皆魏制社崙蓋效而立之將即

亮翻幢宅江翻帥所類翻

攻戰先登者賜以虜獲畏懦者以石擊其

首而殺之

柔然為魏患自此始

禿髮傉檀克顯美執孟禕而責

之以其不早降

禿髮傉檀自去年攻顯美至是乃克

禕曰禕受呂氏厚恩

分符守土若明公大軍甫至望旗歸附恐獲罪於執事

矣傳擅釋而禮之徙二千餘戶而歸以禕為左司馬禕

辭曰呂氏將亡聖朝必取河右

朝直遙翻

人無愚智皆知之

但禕為人守城不能全復忝顯任於心竊所未安

為于偽翻

復扶又翻

若蒙明公之惠使得就戮姑臧死且不朽傳擅義

而歸之東土遭孫恩之亂因以饑饉漕運不繼桓玄

禁斷江路

斷讀短

公私匱乏以糗橡給士卒

糗房尤翻博雅曰糗糗梳

餼也又曰鶩也又稱穀皮也音同橡似兩翻說文曰相實也

玄謂朝廷方多憂虞必

未暇討己可以蓄力觀釁及大軍將發從兄太傅長史

石生密以書報之

從才用翻

玄大驚欲完聚保江陵長史卞

範之曰明公英威振於遠近元顯口尚乳臭劉牢之大

失物情若兵臨近畿示以禍福土崩之勢可翹足而待

何有延敵入境自取窮蹙者乎玄從之留桓偉守江陵

抗表傳檄罪狀元顯舉兵東下檄至元顯大懼二月丙

午帝餞元顯於西池元顯下船而不發

元顯內畏桓玄故下船而不發

癸丑魏常山王遵等至高平

去年十二月魏遣遵等襲高平至是而至

沒

弈于棄其部衆帥數千騎與劉勃勃奔秦州

秦州治上邦帥讀曰

幸騎奇

寄翻

魏軍追至瓦亭不及而還盡獲其府庫蓄積馬

四萬餘匹雜畜九萬餘口

畜許救翻

徙其民於代都

魏以平城為代

都

餘種分迸

種章勇翻迸北孟翻

平陽太守貳塵復侵秦河東

姓譜

春秋貳軫二國後皆為氏貳塵之貳則虜姓也復扶又翻

長安大震關中諸城晝閉

秦人簡兵訓卒以謀伐魏

秦王興立子泓為太子大

赦泓孝友寬和喜文學

喜許記翻

善談詠而懦弱多病興欲

以為嗣而狐疑不決久乃立之

為姚泓以懦弱弱亡秦張本

姑臧大

饑米斗直錢五千人相食餓死者十餘萬口城門晝閉

樵采路絕民請出城為番人奴婢者日有數百呂隆惡

其沮動衆心

惡鳥路翻
沮在呂翻

盡阮之積尸盈路沮渠蒙遜引

兵攻姑臧

沮子
余翻

隆遣使求救於河西王利鹿孤利鹿孤

遣廣武公傳檀帥騎一萬救之

使疏吏翻傳奴沃翻
帥讀曰率騎奇寄翻

未

至隆擊破蒙遜軍蒙遜請與隆盟留穀萬餘斛遺之而

還

遺子
季翻

傳檀至昌松聞蒙遜已退乃徙涼澤段冢民五

百餘戶而還

涼澤即禹貢之豬野澤也在武威縣東亦曰休屠澤還從宣翻

中散騎常

侍張融言於利鹿孤曰

散悉重翻
騎奇寄翻

焦朗兄弟據魏安潛

通姚氏數為反覆

數所角翻

今不取後必為朝廷憂利鹿孤

遣傳擅討之朗面縛出降

焦朗以魏安招秦軍事見去年五月降戶江翻下同

傳

擅送於西平徙其民於樂都

樂音洛

桓玄發江陵慮事

不捷常為西還之計及過尋陽不見官軍意甚喜將士

之氣亦振

史言桓玄畏怯劉牢之等不能仗義取之將即亮翻下同

庾楷謀泄玄囚

之丁巳詔遣齊王柔之以騶虞幡宣告荆江二州使罷

兵

騶則尤翻

玄前鋒殺之柔之子也

孝武太元十年以柔之襲封齊王紹

攸罔之祀宗封南頓王

丁卯玄至姑孰使其將馮該等攻歷陽

豫州

刺史治
歷陽

襄城太守司馬休之嬰城固守玄軍斷洞浦

洞浦

即洞口魏曹休破
呂範處斷丁管翻

焚豫州舟艦

艦戶
黯翻

豫州刺史譙王尚

之帥步卒九千陣於浦上

帥讀
曰率

遣武都太守楊秋屯橫

江秋降于玄軍尚之衆潰逃于涂中玄捕獲之

涂與
滁同

司

馬休之出戰而敗棄城走劉牢之素惡驃騎大將軍元

顯

惡鳥
路翻

恐桓玄既滅元顯益驕恣又恐己功名愈盛不

為元顯所容且自恃材武擁彊兵欲假玄以除執政復

伺玄之隙而自取之

復扶又翻
伺相吏翻

故不肯討玄元顯日夜

昏酣以牢之為前鋒牢之驟詣門不得見及帝出餞元

顯遇之公坐而已

坐徂卧翻

牢之軍溧洲

溧音栗溧水出溧陽縣在建康東南

元顯遣牢之西上擊桓玄非其路也晉書劉牢之傳作

洌洲又桓冲發建康謝安送至溧洲宋武陵王討元凶

邵四月戊午至南州辛酉次溧洲丙寅次江寧今舟行

自采石東下未至三山江中有洌山即洌洲也洌溧聲

相近故又為溧洲張舜民曰過三山十餘里至溧洲自

溧洲過白土磯入慈湖夾舜民柳行錄言沂流之先後

水程也

參軍劉裕請擊玄牢之不許玄使牢之族舅何穆

說牢之曰自古戴震主之威挾不賞之功而能自全者

誰邪越之文種秦之白起漢之韓信皆事明主為之盡

力

說輸苗翻
為于偽翻

功成之日猶不免誅夷況為凶愚者之用

乎君如今日戰勝則傾宗戰敗則覆族欲以此安歸乎

不若翻然改圖則可以長保富貴矣古人射鉤斬祛猶

不害為輔佐

齊桓公與子糾爭國管仲射桓公中帶鉤
子糾死桓公釋管仲之囚而以為相晉獻

公使寺人披伐公子重耳於蒲城重耳踰垣而走披斬其祛重耳反國披屢納忠射而亦翻

況玄與

君無宿昔之怨乎時譙王尚之已敗人情愈恐牢之頗

納穆言與玄交通東海中尉東海何無忌牢之之甥也

與劉裕極諫不聽其子驃騎從事中郎敬宣諫曰今國

家衰危天下之重在大人與玄玄藉父叔之資

玄父溫叔冲

據有全楚割晉國三分之二一朝縱之使陵朝廷玄威

望既成恐難圖也董卓之變將在今矣

董卓事見五十九卷漢靈帝中

平六年獻帝初平元年

牢之怒曰吾豈不知今日取玄如反覆手

耳但平玄之後令我奈驃騎何

元顯為驃騎將軍故稱之

三月乙巳

朔牢之遣敬宣詣玄請降

降戶江翻

玄陰欲誅牢之乃與敬

宣宴飲陳名書畫共觀之以安悅其意敬宣不之覺玄

佐吏莫不相視而笑玄板敬宣為諮議參軍

未有朝命以板授之

也

元顯將發聞玄已至新亭棄船退屯國子學辛未陳

於宣陽門外軍中相驚言玄已至南桁

陳讀曰陣南桁即朱雀桁在臺

城南桁戶剛翻

元顯引兵欲還宮玄遣人拔刀隨後大呼曰放

仗軍人皆崩潰

呼火故翻

元顯乘馬走入東府唯張灋順一

騎隨之

騎音寄翻

元顯問計於道子道子但對之涕泣玄遣

太傅從事中郎毛泰收元顯送新亭縛於舫前而數之

數所具翻舫甫曠翻

元顯曰為王誕張灋順所誤耳壬申復隆安

年號帝遣侍中勞玄於安樂渚

勞力到翻樂音洛

玄入京師稱

詔解嚴以玄總百揆都督中外諸軍事丞相錄尚書事

揚州牧領徐荆江三州刺史假黃鉞

是時晉土全有荆江揚三州徐州率

多僑郡而京口則重鎮也玄悉領之全有晉國矣且將奪劉牢之之兵故領徐州以制之玄以桓偉

為荊州刺史桓謙為尚書左僕射桓脩為徐兗二州刺

史桓石生為江州刺史卞範之為丹陽尹

卞範之為玄長史謀主也

丹陽京邑故使為尹

初玄之舉兵侍中王謐奉詔詣玄玄親禮之

及玄輔政以謐為中書令謐導之孫也新安太守殷仲

文觀之弟也

殷觀見一百九卷隆安元年觀音冀

玄姊為仲文妻仲文聞

玄克京師棄郡投玄玄以為諮議參軍劉邁往見玄玄

曰汝不畏死而敢來耶邁曰射鉤斬祛并邁為三玄悅

以為參軍

邁折玄事見一百八卷孝武太元十七年

癸酉有司奏會稽王道

子酣縱不孝當棄市

會工外翻

詔徙安成郡

吳孫皓寶鼎二年分豫章長沙

廬陵立安成郡唐吉州安福縣及袁州諸縣皆其地也

劉昫曰安福縣吳安成郡治斬元顯及東

海王彥璋

彥璋元顯之子隆安初使繼東海王後

譙王尚之庾楷張灋順

毛泰等於建康市桓脩為王誕固請得流嶺南

偽為于翻

玄

以劉牢之為會稽內史牢之曰始爾便奪我兵禍其至

矣劉敬宣請歸諭牢之使受命玄遣之敬宣勸牢之襲

玄牢之猶豫不決移屯班瀆

班瀆在新洲西南

私告劉裕曰今

當北就高雅之於廣陵舉兵以匡社稷卿能從我去乎

裕曰將軍以勁卒數萬望風降服彼新得志威震天下

朝野人情皆已去矣

降戶江翻朝直遙翻

廣陵豈可得至邪裕當

反服還京口耳

反服謂反初服也離騷曰退將脩吾初服此言釋戎服而服常服

何無

忌謂裕曰我將何之裕曰吾觀鎮北必不免

牢之以討孫恩功進

號鎮北將軍

卿可隨我還京口桓玄若守臣節當與卿事之

不然當與卿圖之

此時劉裕已有誅玄之心

於是牢之大集僚佐議

據江北以討玄參軍劉襲曰事之不可者莫大於反將

軍往年反王兖州

王兖州謂王恭

近日反司馬郎君

司馬郎君謂元顯

今復反桓公

復扶又翻下復推同

一人三反何以自立語畢趨出

佐吏多散走牢之懼使敬宣之京口迎家失期不至牢

之以為事已泄為玄所殺乃帥部曲北走

帥讀曰率

至新洲

縊而死敬宣至不暇哭即渡江奔廣陵將吏共殯斂牢

之

將即亮翻斂力瞻翻

以其喪歸丹徒玄令斲棺斬首暴尸於市

暴步卜翻
又如字

大赦改元大亨 桓玄讓丞相荆江徐三

州玄既以其兄弟領荆江徐三州且已得建康握朝權不復以丞相為重故悉讓之 改授太尉

都督中外諸軍事揚州牧領豫州刺史總百揆以琅邪

王德文為太宰 司馬休之劉敬宣高雅之俱奔洛陽

各以子弟為質於秦以求救質音致 秦主興與之符信使

於關中募兵得數千人復還屯彭城間 孫恩寇臨海

臨海太守辛景擊破之恩所虜三吳男女死亡殆盡恩

恐為官軍所獲乃赴海死其黨及妓妾從死者以百數

妓渠綺翻 謂之水仙餘衆數千人復推恩妹夫盧循為

主復扶循又翻謹之曾孫也盧謹盧志之子初從劉琨琨死仕於段氏段遼敗仕趙謹氏壬

翻神采清秀雅有材藝少時少詩沙門惠遠嘗謂之曰

君雖體涉風素而志存不軌如何太尉玄欲撫安東土

乃以循為永嘉太守明帝太寧元年分臨海立永嘉郡今之溫州循雖受命

而寇暴不已盧循事甲戌燕大赦河西王禕髮利

鹿孤寢疾遺令以國事授弟僂僂初禿髮思復鞬愛重

僂僂奴沃翻謂諸子曰僂檀器識非汝曹所及也故

諸兄不以傳子而傳於弟

吳壽夢以少子季札為賢故其諸子兄弟相傳欲以次傳

國於季札而季札終於不受禿髮烏孤利鹿孤致國於傳檀猶吳志也豈知國亡於傳檀之手哉

利鹿

孤在位垂拱而已

垂拱謂垂衣拱手無所為也

軍國大事皆委於傳

檀利鹿孤卒傳檀襲位更稱涼王

自此史稱禿髮氏為南涼

改元弘

昌遷于樂都

樂音洛

謚利鹿孤曰康王

夏四月大尉玄

出屯姑孰辭錄尚書事詔許之而大政皆就諮焉小事

則決於尚書令桓謙及卞範之自隆安以來中外之人

厭於禍亂及玄初至黜姦佞擢雋賢京師欣然冀得少

安少詩
沼翻

既而玄奢豪縱逸政令無常朋黨互起陵侮朝

廷裁損乘輿供奉之具帝幾不免饑寒

乘繩證翻
幾居希翻

由是

衆心失望三吳大饑戶口減半會稽減什三四

會工
外翻

臨

海永嘉殆盡富室皆衣羅紈懷金玉閉門相守餓死

此
固

上之人失政所致而人消物盡亦天地之大數也周
餘黎民靡有孑遺以此觀之容有是事衣於既翻

乞伏熾磐自西平逃歸苑川

乞伏乾歸送熾磐於西
平見上卷隆安四年

南

涼王儁擅歸其妻子乞伏乾歸使熾磐入朝于秦

朝直
通翻

秦主興以熾磐為興晉太守

五月盧循自臨海入東

陽太尉玄遣撫軍中兵參軍劉裕將兵擊之

將即亮翻下同

循

敗走永嘉

走音泰

高句麗攻宿軍

宿軍城在龍城東北句如字又音駒麗力

知燕平州刺史慕容歸棄城走

北燕平州刺史治宿軍

秦主興

大發諸軍遣義陽公平尚書右僕射狄伯支等將步騎

四萬伐魏興自將大軍繼之以尚書令姚晃輔太子泓

守長安沒弁干權鎮上邽廣陵公欽權鎮洛陽平攻魏

乾壁六十餘日拔之秋七月魏主珪遣毗陵王順及豫

州刺史長孫肥將六萬騎為前鋒自將大軍繼發以擊

之 八月太尉玄諷朝廷以玄平元顯功封豫章公平

殷揚功封桂陽公并本封南郡如故玄以豫章封其子

昇桂陽封其兄子俊 魏主珪至永安 永安本漢縣屬河東郡順帝

改曰永安晉屬平陽郡隋唐晉州之霍邑縣本永安縣也酈道元曰永安故霍伯之都也縣有霍太山 秦

義陽公平遣驍將帥精騎二百覘魏軍 驍堅亮翻將即亮翻騎奇寄翻

覘丑廉翻又丑艷翻 長孫肥逆擊盡擒之平退走珪追之乙巳及

於柴壁平嬰城固守魏軍圍之秦主興將兵四萬七千

救之將據天渡運糧以餽平 柴壁在汾東天渡蓋汾津之名在汾水西岸 魏

博士李先曰兵法高者為敵所棲深者為敵所囚今秦
皆犯之宜及興未至遣奇兵先據天渡柴壁可不戰而
取也珪命增築重圍

重直龍
翻下同

內以防平之出外以拒興

之入廣武將軍安同曰汾東有蒙坑東西三百餘里蹊
徑不通興來必從汾西直臨柴壁如此虜聲勢相接重
圍雖固不能制也不如為浮梁渡汾西築圍以拒之虜
至無所施其智力矣珪從之興至蒲阪

阪音
反

憚魏之彊

以乃進兵甲子珪帥步騎三萬逆擊興於蒙坑之南

帥
讀

曰率下同

斬首千餘級興退走四十餘里平亦不敢出珪乃

分兵四據險要使秦兵不得近柴壁

近其斬翻

興屯汾西憑

壑為壘東栢材從汾上流縱之欲以毀浮梁魏人皆鈎

取以為薪蒸

麋曰薪細曰蒸

冬十月平糧竭矢盡夜悉眾突西

南圍求出興列兵汾西舉烽鼓譟為應興欲平力戰突

免平望興攻圍引接但叫呼相和

和戶臥翻

莫敢逼圍平不

得出計窮乃帥麾下赴水死諸將多從平赴水珪使善

游者鈎捕之無得免者執狄伯支及越騎校尉唐小方

等四十餘人餘衆二萬餘人皆斂手就禽興坐視其窮

力不能救舉軍慟哭聲震山谷數遣使求和於魏

數所角翻

珪不許乘勝進攻蒲阪秦晉公緒固守不戰會柔然謀

伐魏珪聞之戊申引兵還

還從宣翻又如字

或告太史令鼂崇

及弟黃門侍郎懿潛召秦兵珪至晉陽賜崇懿死

鼂直達翻

秦徙河西豪右萬餘戶于長安 太尉玄殺吳興太

守高素將軍竺謙之及謙之從兄朗之劉襲并襲弟季

武皆劉牢之北府舊將也

從才用翻將即亮翻

襲兄冀州刺史軌

邀司馬休之劉敬宣高雅之等共據山陽

沈約曰山陽本射陽縣境

地名義熙土斷始分廣陵郡立山陽郡及山陽縣唐楚州即其地

欲起兵攻玄不克而

走將軍袁虔之劉壽高長慶郭恭等皆往從之將奔魏

至陳留南分為二輩軌休之敬宣奔南燕虔之壽長慶

恭奔秦魏主珪初聞休之等當來大喜後怪其不至令

兗州求訪

隆安五年魏以長孫肥為兗州刺史南徇地然未能有兗州也

獲其從者問

其故皆曰魏朝威聲遠被

從才用翻被皮義翻朝直遙翻

是以休之等

咸欲歸附既而聞崔逞被殺

崔逞死見上卷三年

故奔二國珪深

悔之自是士人有過頗見優容 南涼王儁檀攻呂隆

於姑臧 燕王熙納故中山尹苻謨二女

燕主寶即位之初苻謨為

中山尹

長曰娥娥為貴人

長知兩翻娥音戎

幼曰訓英為貴嬪貴

嬪尤有寵丁太后怨恚

恚於避翻

與兄子尚書信謀廢熙立

章武公淵事覺熙逼丁太后令自殺葬以后禮謚曰獻

幽皇后

丁太后素與熙通事見上年

十一月戊辰殺淵及信辛未熙

畋于北原

龍城北原也

石城令高和

石城縣漢屬北平郡燕屬建德郡高和本為石

城令時以大喪會于龍城耳

與尚方兵於後作亂殺司隸校尉張顯

入掠宮殿取庫兵脅營署閉門乘城熙馳還城上人皆
投仗開門盡誅反者唯和走免甲戌大赦魏以庾岳
為司空十二月辛亥魏主珪還雲中柔然可汗社崙

聞珪伐秦自參合陂侵魏至豺山

豺山在善無縣北魏
天興六年築宮於此

崙
翻

及善無北澤魏常山王遵以萬騎追之不及而還

太尉玄使御史杜林防衛會稽文孝王道子至安成

會
工
外
翻

林承玄旨酖道子殺之沮渠蒙遜所署西郡太

守梁中庸叛奔西涼蒙遜聞之笑曰吾待中庸恩如骨

肉而中庸不我信但自負耳孤豈在此一人邪乃盡歸

其孥西涼公暲問中庸曰我何如索嗣中庸曰未可量

也暲曰嗣才度若敵我者我何能於千里之外以長繩

絞其頸邪

索嗣死見上卷四年孥音奴
萬古老翻索音各翻量音良

中庸曰智有短

長命有成敗殿下之與索嗣得失之理臣實未之能詳

若以身死為負計行為勝則公孫瓚豈賢於劉虞邪

孫公

瓚劉虞事見六十卷
漢獻帝初平四年

暲默然

袁虔之等至長安秦主

興問曰桓玄才略何如其父卒能成功乎

卒子
恤翻

虔之曰

玄乘晉室衰亂盜據宰衡猜忌安忍刑賞不公以臣觀之不如其父遠矣玄今已執大柄其勢必將篡逆正可為它人驅除耳興善之以處之為廣州刺史

秦以廣州授袁虔之

示以名位寵綏之耳

是歲秦主興立昭儀張氏為皇后封子懿

弼洸宣謚愔璞質達裕國兒皆為公

洸古黃翻愔氏壬翻愔於今翻

遣

使拜秃髮儁檀為車騎將軍廣武公沮渠蒙遜為鎮西將軍沙州刺史西海侯李嵩為安西將軍高昌侯秦鎮遠將軍趙曜帥眾二萬西屯金城建節將軍王松忽帥

騎助呂隆守姑臧松忽至魏安偃檀弟文真擊而虜之
偃檀大怒送松忽還長安深自陳謝

史言河湟諸國
皆畏姚秦之彊

資治通鑑卷一百一十二

欽定四庫全書薈要卷七千九十九

史部

資治通鑑卷一百一十三 宋 司馬光 撰

胡三省 音註

晉紀三十五

起昭陽單閼盡閼
逢執徐凡二年

安皇帝戊

元興二年春正月盧循使司馬徐道覆寇東陽二月辛
丑建武將軍劉裕擊破之道覆循之姊夫也 乙卯以

太尉玄為大將軍

大將軍自漢以來職名崇重居其位
者皆擅朝權晉初以司馬孚為太尉

奏以大將軍位太尉
下後復舊在三司上

丁巳玄殺冀州刺史孫無終

孫無

終亦北府舊將也

玄上表請帥諸軍掃平關洛既而諷朝廷

下詔不許

上時掌翻帥讀曰率朝直遥翻

乃云奉詔故止玄初欲飭裝

先命作輕舸載服玩書畫

舸加我翻大船也方言南楚江湖謂之舸畫與畫同

或

問其故玄曰兵凶戰危脫有意外當使輕而易運衆皆

笑之

桓玄意態終始如此耳時人誤以為雄豪而憚之故每遇輒敗崢嶸洲之戰劉道規等知其為人而

徑突之一敗而不能復振矣易以鼓翻

夏四月癸巳朔日有食之南燕

主脩德故吏趙融自長安來始得母兄凶問脩德號慟

吐血

號戶刀翻
吐土故翻

因而寢疾司隸校尉慕容達謀反遣牙

門皇璆攻端門

璆渠尤翻

殿中帥侯赤眉開門應之

殿中帥猶晉之

殿中三部督也帥所類翻

中黃門孫進扶脩德踰城匿於進舍段宏

等聞宮中有變勒兵屯四門

廣固城四門也

脩德入宮誅赤眉

等達出奔魏脩德優遷徙之民使之長復不役

復方目翻復除

也民緣此迭相蔭冒或百室合戶或千丁共籍以避課

役尚書韓諱請加隱覈

合音閭諱竹角翻隱度也覈實也隱覈度其實也

脩德

從之使諱巡行郡縣

行下孟翻

得蔭戶五萬八千

泰山賊

王始聚衆數萬自稱太平皇帝署置公卿南燕桂林王鎮討禽之臨刑或問其父及兄弟安在始曰太上皇蒙塵于外征東征西為亂兵所害其妻怒之曰君正坐此口奈何尚爾始曰皇后不知自古豈有不亡之國朕則崩矣終不改號

史言王始僭舉大號至敗亡而不悔

五月燕王熙作龍騰

苑方十餘里役徒二萬人築景雲山於苑內基廣五百

步峯高十七丈

廣古曠翻高古號翻

秋七月戊子魏王珪北巡

作離宮於豺山平原太守和跋奢豪喜名

喜許記翻珪惡而

殺之

惡鳥路翻

使其弟毗等就與訣跋曰灋北土瘠可遷水

南勉為生計

灋力水翻

且使之背已

背蒲妹翻

曰汝何忍視吾之

死也毗等諭其意詐稱使者逃入秦珪怒滅其家中壘

將軍鄧淵從弟尚書暉與跋善

從才用翻

或譖諸珪曰毗之

出亡暉實送之珪疑淵知其謀賜淵死南涼王儁檀

及沮渠蒙遜互出兵攻呂隆

儁奴沃翻沮子余翻

隆患之秦之謀

臣言於秦王興曰隆藉先世之資專制河外今雖飢窘

尚能自支

窘渠隕翻

若將來豐贍終不為吾有涼州險絕土

田饒沃不如因其危而取之興乃遣使徵呂超入侍

使疏

吏翻隆念姑臧終無以自存乃因超謀迎于秦興遣尚書

左僕射齊難鎮西將軍姚詒左賢王乞伏乾歸鎮遠將

軍趙曜帥步騎四萬迎隆于河西

詒去吉翻帥讀曰率騎奇寄翻

南涼

王儁檀攝昌松魏安二戍以避之

攝收也儁奴沃翻

八月齊難

等至姑臧隆素車白馬迎于道旁隆勸難擊沮渠蒙遜

沮子蒙遜使臧莫孩拒之敗其前軍

孩何開翻敗補邁翻

難乃與

蒙遜結盟蒙遜遣弟拏入貢于秦

拏女居翻

難以司馬王尚

行涼州刺史配兵三千鎮姑臧以將軍閻松為倉松太

守

倉松即漢昌松縣

郭將為番禾太守

番音盤

分成二城徙隆宗

族僚屬及民萬戶于長安

載記曰自光至隆十三載而滅

興以隆為散

騎常侍

散悉亶翻騎奇寄翻

超為安定太守自餘文武隨才擢叙

初郭麇常言代呂者王故其起兵先推王詳後推王乞

基

事見一百九卷元年麇奴昆翻

及隆東遷王尚卒代之麇從乞伏乾

歸降秦

卒子恤翻降戶江翻

以為滅秦者晉也遂來奔秦人追得

殺之

郭麇自信其術幸亂以徵福而卒以殺身足以明天道之難知矣

沮渠蒙遜伯父

中田護軍親信臨松太守孔篤皆驕恣為民患

據晉書
蒙遜載

記中田護軍蓋呂
光所置鎮臨松

蒙遜曰亂吾法者二伯父也皆逼之

使自殺秦遣使者梁構至張掖蒙遜問曰禿髮儁檀為

公而身為侯何也

秦封儁檀為廣武公封蒙遜
為西海侯事見上卷上年

構曰儁

檀凶狡款誠未著故朝廷以重爵虛名羈縻之將軍忠

貫白日當入贊帝室豈可以不信相待也聖朝爵必稱

功

朝直遙翻
稱尺證翻

如尹緯姚晃佐命之臣齊難徐洛一時猛

將爵皆不過侯伯

緯于貴翻
將即亮翻

將軍何以先之乎

先恚
薦翻

昔

竇融殷勤固讓不欲居舊臣之右

事見四十三卷漢光武建武十三年

不

意將軍忽有此問蒙遜曰朝廷何不即封張掖而更遠封西海邪構曰張掖將軍已自有之所以遠授西海者欲廣大將軍之國耳蒙遜悅乃受命

荊州刺史桓偉

卒大將軍玄以桓修代之從事中郎曹靖之說玄曰

說

為謙修兄弟專據內外權勢太重玄乃以南郡相桓石

康為荊州刺史石康豁之子也

桓豁溫之次弟

劉裕破盧循

於永嘉追至晉安

武帝太康三年分建安立晉安郡今泉州南安縣即其地宋白曰東晉南

渡衣冠士族多萃此地以求
安堵因立晉安郡隋為泉州

屢破之循浮海南走何無

忌潛詣裕勸裕於山陰起兵討桓玄裕謀於土豪孔靖

靖曰山陰去都道遠舉事難成且玄未篡位不如待其

已篡於京口圖之裕從之靖愉之孫也

孔愉歷事元明成三帝

九月魏主珪如南平城

愍帝建興元年代公猗盧城盛樂以為北都修故平城以為南

都更南百里於澠水之陽黃瓜堆築新平城所為南平城也唐朔州西南有新城即其地

規度澠南

自澠水南抵夏屋山皆澠南地也度徒洛翻澠力水翻

將建新都

侍中殷仲文

散騎常侍卞範之勸大將軍玄早受禪陰撰九錫文及

冊命

散悉亶翻騎奇寄翻
禪時戰翻撰士免翻

以桓譙為侍中開府錄尚書

事王謐為中書監領司徒桓胤為中書令加桓修撫軍

大將軍胤冲之孫也丙子冊命玄為相國總百揆封十

郡為楚王加九錫楚國置丞相以下官桓譙私問彭城

內史劉裕曰楚王勲德隆重朝廷之情咸謂宜有揖讓

卿以為何如裕曰楚王宣武之子

桓溫謐
曰宣武

勲德蓋世晉

室微弱民望久移乘運禪代有何不可譙喜曰卿謂之

可即可耳

劉裕一世之雄桓譙問之以決
可否裕說辭以順其意故喜

新野人庾仄

殷仲堪之黨也

新野縣漢屬南陽郡晉武帝太康中分屬義陽郡惠帝又分立新野郡仄阻力

翻從仄

聞桓偉死石康未至乃起兵襲雍州刺史馮該

於襄陽走之

雍於用翻

仄有衆七千設壇祭七廟云欲討桓

玄江陵震動石康至州發兵攻襄陽仄敗犇秦高雅

之表南燕主脩德請伐桓玄曰縱未能廓清吳會亦可

收江北之地中書侍郎韓範亦上疏曰今晉室衰亂江

淮南北戶口無幾戎馬單弱重以桓玄悖逆

重直用翻悖蒲內翻

又蒲沒翻

上下離心以陛下神武發步騎一萬臨之彼必土

崩瓦解兵不留行矣得而有之秦魏不足敵也拓地定
功正在今日失時不取彼之豪傑誅滅桓玄更修德政
豈惟建康不可得江北亦無望矣脩德曰朕以舊邦覆
沒欲先定中原乃平蕩荆揚故未南征耳其令公卿議
之因講武城西步卒二十七萬人騎五萬三千匹車萬
七千乘乘繩證翻公卿皆以為玄新得志未可圖乃止慕容德取
青州至是纔五年耳有衆如此不能乘時而用之自審其才不足以辦桓玄也

冬十月楚王

玄上表請歸藩使帝作手詔固留之又詐言錢塘臨平

湖開

臨平湖草常蓁塞開則天下太平

江州甘露降使百寮集賀用為

已受命之符又以前世皆有隱士耻於已時獨無求得

西朝隱士安定皇甫謐六世孫希之

晉氏東遷以洛陽為西朝皇甫謐在

魏晉之間徵辟不行自號玄晏先生朝直遥翻

給其資用使隱居山林徵為著

作即使希之固辭不就然後下詔旌禮號曰高士時人

謂之充隱

實非隱者而以之備數故謂之充隱

又欲廢錢用穀帛及復肉

刑制作紛紜志無一定變更回復

更工衡翻

卒無所施行性

復貪鄙人士有法書好畫

卒子恤翻性復扶又翻法書謂如史籀程邈李斯張芝師

宜梁鵠衛瓘索靖鍾繇諸人真蹟各有家法者畫與畫同

及佳園宅必假蒲博而取

之尤愛珠玉未嘗離手

離刀智翻史言桓玄志度凡近

乙卯魏主珪

立其子嗣為齊王加位相國紹為清河王加征南大將

軍熙為陽平王曜為河南王丁巳魏將軍伊謂帥騎

二萬襲高車餘種袁紇烏頻十一月庚午大破之

帥讀曰率

騎奇寄翻種章勇翻紇戶骨翻

詔楚王玄行天子禮樂妃為王后

子為太子丁丑卞範之為禪詔

禪時戰翻下同

使臨川王寶逼

帝書之寶晞之曾孫也

武陵王晞死於桓溫廢立之際

庚辰帝臨軒遣

無太保領司徒王謚奉璽綬禪位于楚

璽斯氏翻綬音受

壬午

帝出居永安宮癸未遷太廟神主于琅邪國

永嘉之亂琅邪國人

隨元帝過江者千餘戶大興二年立懷德縣丹陽雖有琅邪相而無其地成帝咸康元年桓溫領琅邪太守鎮江乘之蒲洲金城求割江乘縣境立郡始有實土 穆章何皇后及琅邪王德文

皆徙居司徒府百官詣姑孰勸進十二月庚寅朔立築

壇於九井山北

九域志太平州有九井山今太平州古姑孰之地也蕪湖縣南有溪猶曰姑孰

溪北征記云九井山在丹陽南

壬辰即皇帝位冊文多非薄晉室或諫

之立曰揖讓之文止可陳之於下民耳豈可欺上帝乎

大赦改元永始以南康之平固縣

武帝太康三年以廬陵南部都尉立南康

郡平固吳所置平陽縣也太康元年更名平固九域志虔州贛縣有平固鎮

更封帝為平固王

降何后為零陵縣君琅邪王德文為右陽縣公武陵王

遵為彭澤縣侯追尊父溫為宣武皇帝廟號太祖南康

公主為宣皇后封子昇為豫章王以會稽內史王愉為

尚書僕射愉子相國左長史綏為中書令綏桓氏之甥

也戊戌立入建康宮登御坐而床忽陷

坐讀曰座

羣下失色

殷仲文曰將由聖德深厚地不能載立大悅梁王珍之

國臣孔樸奉珍之特壽陽珍之晞之曾孫也

晞子璉出繼梁國珍

之之祖也

戊申燕王熙尊燕主垂之貴嬪段氏為皇太后

段氏熙之慈母也已酉立符貴嬪為皇后

嬪毗賓翻

大赦

辛亥桓玄遷帝於尋陽

尋陽郡時治柴桑

燕以衛尉悅真為

青州刺史鎮新城光祿大夫衛駒為并州刺史鎮凡城

癸丑納桓溫神主于太廟桓玄臨聽訟觀閱囚徒

洛都

華林園北有聽訟觀本平望觀也魏明帝以刑獄天下大命也每斷大獄常幸觀聽之太和三年更名聽訟觀建康做洛都之制亦置之觀古玩翻罪無輕重多得原放有干輿乞者時

或卹之其好行小惠如此

干犯也干輿行犯乘輿也乞者丐衣食之物好呼到翻

是歲魏主珪始命有司制冠服以品秩為差然法度

草創多不稽古

三年春正月桓立其妻劉氏為皇后劉氏喬之曾孫

也

劉喬見八十六卷
惠帝永興三年

立以其祖彝以上名位不顯不復

追尊立廟

復扶
又翻

散騎常侍徐廣曰敬其父則子悅

孝經
載孔

子之請依故事立七廟立曰禮太祖東向左昭右穆

禮

子七廟太祖正東向之位左三昭右三穆決疑要錄曰
父南面故曰昭昭明也子北面故曰穆穆順也昭本如

字為漢諱昭故音韶或云晉文帝名昭改音韶

晉立七廟宣帝不得正東向之

位何足法也秘書監卞承之謂廣曰若宗廟之祭果不

及祖有以知楚德之不長矣廣邈之弟也

徐邈以文學為孝武所親

信

玄自即位心常不自安二月己丑朔夜濤水入石頭

流殺人甚多謹諱震天玄聞之懼曰奴輩作矣玄性苛

細好自矜伐

謹許玄翻好呼到翻下性好同

主者奏事或一字不體

謂字

之上下偏旁不合體也

或片辭之謬必加糾擿以示聰明

擿他翻

尚

書答詔誤書春蒐為春蒐

蒐同都翻

自左丞王納之以下凡

所關署

也關通

皆被降黜

被皮義翻

或手注直官

直官入直官也

或自

用令史

令史尚書令僕所署用

詔令紛紜有司奉答不暇而紀綱

不治奏案停積不能知也又性好遊畋或一日數出

數所

角翻

遷居東宮更繕宮室

更工衡翻

土木並興督迫嚴促朝野

騷然思亂者衆玄遣使加益州刺史毛璩散騎常侍左

將軍璩執留玄使不受其命璩寶之孫也

使疏吏翻散悉亶翻騎奇

寄翻璩

玄以桓希為梁州刺史分命諸將戍三巴以脩

之三巴以閬白二水東南流曲折三迴如巴字也璩

傳檄遠近列玄罪狀遣巴東太守柳約之建平太守羅

述征虜司馬甄季之擊破希等

甄之
人翻

仍帥衆進屯白帝

史言劉裕未起毛璩已仗
義舉兵討玄帥讀曰率

劉裕從徐兗二州刺史安成

王桓修入朝

朝直
遙翻

玄謂王謐曰裕風骨不常蓋人傑也

每遊集必引接殷勤贈賜甚厚玄后劉氏有智鑒謂玄

曰劉裕龍行虎步視瞻不凡恐終不為人下不如早除

之玄曰我方平蕩中原非裕莫可用者俟關河平定然

後別議之耳玄以桓弘為青州刺史鎮廣陵刁逵為豫

州刺史鎮歷陽弘修之弟逵彞之子也

刁彞見一百三卷簡文帝咸安

二年劉裕與何無忌同舟還京口密謀興復晉室劉邁弟

毅家於京口亦與無忌謀討玄無忌曰桓氏彊盛其可

圖乎毅曰天下自有彊弱苟為失道雖彊易弱

易以敗翻

正

患事主難得耳

謂舉大事難得一人為主

無忌曰天下草澤之中非

無英雄也毅曰所見唯有劉下邳

裕先領下邳太守故稱之

無忌笑

而不答還以告裕遂與毅定謀初太原王元德及弟仲

德為苻氏起兵攻燕主垂不克來奔

王獻字元德王懿字仲德名犯宣元

二帝諱故以字行仲德為燕所敗渡河依段遼自遼所來特為于偽翻

朝廷以元德為弘

農太守仲德見桓玄稱帝謂人曰自古革命誠非一族

然今之起者恐不足以成大事平昌孟昶為青州主簿

平昌縣漢屬城陽國魏文帝分城陽立平昌郡後省晉惠帝又立平昌郡其地今屬密州安丘縣界昶母兩翻

桓弘使昶至建康玄見而悅之謂劉邁曰素士中得一

尚書郎起於白屋者卿與共州里寧相識否孟昶平昌人平昌郡

屬青州劉邁彭城沛人彭城屬徐州邁素與昶不善對

曰臣在京口不聞昶有異能唯聞父子紛紛更相贈詩

耳

更工
衡翻

玄笑而止昶聞而恨之既還京口裕謂昶曰草

間當有英雄起卿頗聞乎昶曰今日英雄有誰正當是

卿耳於是裕毅無忌元德仲德昶及裕弟道規任城魏

詠之

任城縣前漢屬東平國後漢章帝元和元年分東平為任城國而任城縣屬焉晉氏南渡省任城郡

為任城縣屬高平郡任音壬

高平檀憑之琅邪諸葛長民河內太守

隴西辛扈興振威將軍東莞童厚之

莞音官

相與合謀起

兵道規為桓弘中兵參軍裕使毅就道規及昶於江北

共殺弘據廣陵長民為刁逵參軍使長民殺逵據歷陽

元德扈興厚之在建康使之聚衆攻玄為內應刻期齊
發孟昶妻周氏富於財昶謂之曰劉邁毀我於桓公使
我一生淪陷我決當作賊卿幸早離絕脫得富貴相迎
不晚也周氏曰君父母在堂欲建非常之謀豈婦人所
能諫事之不成當於奚官中奉養大家

奚如字又胡禮
翻周禮注曰古

者從生男女沒入縣官為奴其少才智以為奚今之侍
史官婢或曰奚官女此言事君敗沒為官婢當於奚官
中養姑晉志奚官令屬少府晉宋間子婦
稱其姑曰大家攷南史孝義孫棘傳可見義無歸志也

昶愴然久之而起

愴丑亮翻愴
然失志貌

周氏追昶坐曰觀君舉

措非謀及婦人者不過欲得財物耳因指懷中兒示之

曰此而可賣亦當不惜遂傾貲以給之昶弟顓妻周氏

之從妹也

顓魚豈翻
從才用翻

周氏給之曰昨夜夢殊不祥

給待
亥翻

門內絳色物宜悉取以為厭勝

厭於涉翻
又於檢翻

妹信而與之

遂盡縫以為軍士袍何無忌夜於屏風裏草檄文其母

劉牢之姊也登橙窺之

橙都鄧
翻床屬

泣曰吾不及東海呂

母明矣

呂母事見三十八
卷王莽天鳳四年

汝能如此吾復何恨問所與

同謀者曰劉裕母尤喜因為言玄必敗舉事必成之理

以勸之

復扶又翻
為于偽翻

乙卯裕託以遊獵與無忌收合徒衆

得百餘人丙辰詰旦京口城開無忌著傳詔服

詰去吉
翻著則

略翻著傳詔之稱敕使

使疏
吏翻

徒衆隨之齊入即斬

桓修以狗修司馬刁弘帥文武佐吏來赴

帥讀
曰率

裕登城

謂之曰

城謂京口
之金城

郭江州已奉乘輿返正於尋陽

郭江
州謂

郭昶之也時帝在尋陽裕
詭言以誑弘等乘繩證翻

我等並被密詔誅除逆黨

被
皮

義翻今日賊玄之首已當梟於大航矣

梟堅堯翻說文曰
日至捕梟磔之以

頭挂木上今
謂挂首為梟

諸君非大晉之臣乎今來欲何為弘等信

之收衆而退裕問無忌曰今急須一府主簿何由得之

無忌曰無過劉道民道民者東莞劉穆之也

晉陵有南東莞郡故

穆之居京口莞音官裕曰吾亦識之即馳信召焉時穆之聞京口

謹噪聲

謹許云翻
噪當作譟

晨起出陌頭屬與信會

信使也屬之
欲翻使疏吏

翻穆之直視不言者久之

直視注目直
視不他屬

既而返室壞布

裳為袴

袴脰衣也晉志曰袴褶之制未
詳所起近世以為戎服壞音怪

往見裕裕曰始

舉大義方造艱難

言造事之初
事事艱難也

須一軍吏甚急卿謂誰

堪其選穆之曰貴府始建軍吏實須其才倉猝之際略

當無見踰者裕笑曰卿能自屈吾事濟矣即於坐署主

簿

坐讀曰座

孟昶勸桓弘其日出獵天未明開門出獵人昶

與劉毅劉道規帥壯士數十人直入

帥讀曰率下同

弘方噉粥

即斬之因收衆濟江

噉徒濫翻

裕使毅誅刁弘先是裕遣同

謀周安穆入建康報劉邁

先悉薦翻

邁雖酬許意甚惶懼安

穆慮事泄乃馳歸玄以邁為竟陵太守邁欲亟之郡是

夜玄與邁書曰北府人情云何卿近見劉裕何所道邁

謂玄已知其謀晨起白之玄大驚封邁為重安侯

重直龍翻

既而嫌邁不執安穆使得逃去乃殺之悉誅元德扈與
厚之等衆推劉裕為盟主總督徐州事以孟昶為長史
守京口檀憑之為司馬彭城人應募者裕悉使郡主簿
劉鍾統之丁巳裕帥二州之衆千七百人

二州兗徐也

軍于

竹里移檄遠近聲言益州刺史毛璩已定荆楚江州刺
史郭昶之奉迎主上返正於尋陽鎮北參軍王元德等

並帥部曲保據石頭揚武將軍諸葛長民已據歷陽玄

移還上宮

玄始遷東宮今以裕起移還上宮

召侍官皆入止省中

侍官自侍

中下至黃
散之屬

加揚州刺史新野王桓譙征討都督以殷仲

文代桓修為徐兗二州刺史譙等請亟遣兵擊裕玄曰

彼兵銳甚計出萬死若有蹉跌

蹉七何翻
跌徒結翻

則彼氣成而

吾事去矣不如屯大衆於覆舟山以待之

咸帝咸康八
年於覆舟山

南立北郊山蓋在建康
城北也形如覆舟故名

彼空行二百里無所得銳氣已

挫忽見大軍必驚愕我按兵堅陣勿與交鋒彼求戰不

得自然散走此策之上也譙等固請擊之乃遣頓丘太

守吳甫之右衛將軍皇甫敷相繼北上

自建康趣京口
為北上上時掌

翻玄憂懼特甚或曰裕等烏合微弱勢必無成陛下何

慮之深玄曰劉裕足為一世之雄劉毅家無擔石之儲

擔與儋同丁濫翻言一儋一石也儲無儋石家貧之至也楊雄家無儋石之儲應劭注曰齊人名小畧為儋石受二斛晉灼曰石斗石也前書音義曰儋言一斗之儲方言曰儋畧也齊東北海岱之間謂之儋余據今江淮人謂一石擣蒲一擲百萬何無忌酷似其舅共舉大事為一擔

何謂無成南涼王儁擅畏秦之彊乃去年號儁奴沃翻元興

元年儁擅改元弘昌去羌呂翻罷尚書丞郎官遣參軍闕尚使于秦使疏

吏翻秦王興曰車騎獻款稱藩而擅興兵造大城豈為臣

之道乎

興拜傳擅為車騎將軍故稱之

尚曰王公設險以守其國

易坎卦象

辭

先王之制也車騎僻在遐藩密邇勅寇

勅渠京翻

蓋為國

家重門之防

重直龍翻

不圖陛下忽以為嫌興善之傳擅求

領涼州興不許

初袁真殺朱憲

見一百二卷海西公太和五年

憲弟

綽逃奔桓溫溫克壽陽綽輒發真棺戮其尸溫怒將殺

之桓沖請而免之綽事沖如父沖薨綽嘔血而卒

卒子恤翻

劉裕克京口以綽子齡石為建武參軍

裕本為建武將軍以齡石參軍

事三月戊午朔裕軍與吳甫之遇於江乘

江乘漢舊縣屬丹陽郡成

帝咸康元年桓溫領琅邪太守鎮江乘之蒲洲將戰齡奏割丹陽之江乘立南琅邪郡江乘縣屬焉

石言於裕曰齡石世受桓氏厚恩不欲以兵刃相向乞

在軍後裕義而許之甫之玄驍將也驍堅亮翻將即亮翻其兵甚

銳裕手執長刀大呼以衝之衆皆披靡呼火故翻披普彼翻即斬

甫之進至羅落橋羅落橋在江乘縣南蓋緣水設羅落因為名皇甫敷帥數

千人逆戰帥讀曰率寧遠將軍檀憑之敗死裕進戰彌厲敷

圍之數重裕倚大樹挺戰重直龍翻挺戰挺身獨戰也挺他鼎翻直也敷曰

汝欲作何死拔戟將刺之裕瞋目叱之敷辟易刺七亦翻瞋七

人翻辟讀曰
闕易如字

裕黨俄至射數中額而踣

射而亦翻中竹仲翻踣蒲北翻

裕援刀直進

援于元翻

數曰君有天命以子孫為託裕斬之

厚撫其孤裕以檀憑之所領兵配參軍檀祗憑之

從子也

從才用翻

玄聞二將死大懼召諸道術人推算及為

厭勝

將即亮翻厭於叶翻又一琰翻

問羣臣曰朕其敗乎吏部郎曹靖

之對曰民怨神怒臣實懼焉玄曰民或可怨神何為怒

對曰晉氏宗廟飄泊江濱

謂遷晉宗廟主於琅邪國尋又隨帝上尋陽也

大楚

之祭上不及祖

謂止祭桓溫於太廟

此其所以怒也玄曰卿何不

諫對曰輦上君子皆以為堯舜之世臣何敢言玄默然

使桓譙及游擊將軍何澹之屯東陵

游擊將軍漢雜號將軍也魏置為中

軍及晉以領護左右衛驍騎游擊為六軍建康之西有西陵其東有東陵東陵在覆舟山東北澹徒覽翻

侍

中後將軍卞範之屯覆舟山西衆合二萬已未裕軍食

畢悉弃其餘糧進至覆舟山東使羸弱登山張旗幟為

疑兵

羸倫為翻幟昌志翻

數道並前布滿山谷玄頃候者還云裕

軍四塞

頃丑鄭翻塞悉則翻

不知多少玄益憂恐遣武衛將軍庾

嘖之帥精卒赴援諸軍

魏文帝踐祚置領軍將軍主五校中壘武衛等三營後遂各置

將軍諱士草翻

諱等士卒多北府人素畏伏裕莫有鬪志裕與

劉毅等分為數隊進突諱陳裕以身先之

陳讀曰陣先悉薦翻

將

士皆殊死戰無不一當百呼聲動天地時東北風急因

縱火焚之煙炎燦天

呼火故翻炎讀曰燦燦必遙翻

鼓噪之音震動京

邑諱等諸軍大潰玄時雖遣軍拒裕而走意已決潛使

領軍將軍殷仲文具舟於石頭聞諱等敗帥親信數千

人聲言赴戰

帥讀曰率下同

遂將其子昇兄子濬出南掖門遇

前相國參軍胡藩執馬鞚諫曰今羽林射手猶有八百

皆是義故西人受累世之恩

鞞音控馬勒也桓氏世居荆楚西人皆其義舊此蓋

從玄東下玄既纂因以為羽林

不驅令一戰一旦舍此欲安之乎玄不

對但舉策指天

玄舉策指天亦項羽所謂天之亡我之意

因鞭馬而走西趨

石頭與仲文等浮江南走經日不食左右進粗飯

趨七喻翻

粗與麤同

玄咽不能下昇抱其胷而撫之玄悲不自勝

咽於旬翻

勝音升

裕入建康王仲德抱元德子方回出候裕裕於馬

上抱方回與仲德對哭追贈元德給事中
以仲德為中

兵參軍裕止桓謙故營遣劉鍾據東府庾申裕屯石頭

城立留臺百官焚桓溫神主於宣陽門外造晉新主納

於太廟

桓玄初篡遷七廟神主于琅邪國既而遷帝遣於尋陽宗廟主祔皆隨帝西上故權造新主

諸將追玄尚書王嘏帥百官奉迎乘輿

乘繩證翻

誅玄宗族

在建康者裕使臧熹入宮收圖書器物封閉府庫有金

飾樂器裕問熹卿得無欲此乎熹正色曰皇上幽逼播

越非所將軍首建大義劬勞王家雖復不肖實無情於

樂

復扶又翻

裕笑曰聊以戲卿耳熹熹之弟也

裕娶于臧氏

壬戌

玄司徒王謐與衆議推裕領揚州裕固辭乃以謐為侍

中領司徒揚州刺史錄尚書事謚推裕為使持節都督

揚徐兗豫青冀幽并八州諸軍事徐州刺史

使疏

劉毅

為青州刺史何無忌為琅邪內史孟昶為丹陽尹劉道

規為義昌太守

宋永初郡國志安豐有義昌縣蓋晉末嘗立郡宋初廢為縣也裕取義昌美名

使道規

裕始至建康諸大處分皆委於劉穆之

處昌呂

同

倉猝立定無不允愜

愜苦

裕遂託以腹心動止諮焉

穆之亦竭節盡誠無所遺隱時晉政寬弛綱紀不立豪

族陵縱小民窮蹙重以司馬元顯政令違舛

重直

桓玄

雖欲釐整而科條繁密衆莫之從穆之斟酌時宜隨方

矯正

揉曲為矯言隨事矯揉使歸於正

裕以身範物先以威禁内外百

官皆肅然奉職不盈旬日風俗頓改

史言劉裕有撥亂反正之才

初

諸葛長民至豫州失期不得發刁逵執長民檻車送桓

玄至當利而玄敗

當利浦名

送人共破檻出長民還趣歷陽

趣七喻翻

逵弃城走為其下所執斬於石頭子姪無少長皆

死

少詩照翻長知兩翻

唯赦其季弟給事中騁逵故吏匿其弟子

雍送洛陽

刁雍後自秦入魏雍於容翻

秦王興以為太子中庶子裕

以魏詠之為豫州刺史鎮歷陽諸葛長民為宣城內史

初裕名微位薄輕狡無行盛流皆不與相知

行下孟翻盛流謂當

時貴盛之流

惟王謐獨奇貴之謂裕曰卿當為一代英雄裕

嘗與刁逵擣蒲不時輸直

擣蒲不勝而不即納其所負之直此亦博徒輕狡之常態

逵縛之馬柳

柳魚浪翻繫馬柱也又五剛翻

謐見之責逵而釋之代之

還直由是裕深憾逵而德謐

蕭方等曰

蕭方等梁元帝之嫡長子撰三十國春秋

夫蛟龍潛伏魚鰕褻

之是以漢高赦雍齒魏武免梁鵠

雍齒事見十一卷漢高帝十一年漢

靈帝時深鵠為選部尚書魏武欲為洛陽令鵠以為
北部尉董卓之亂鵠奔劉表魏武破荊州鵠懼而自
縛詣門使在秘書以勤書自効雍於用翻

安可以布衣之嫌而成萬乘之

隙也

乘繩證翻

今王謚為公刁達亡族疇恩報怨何其狹哉

尚書左僕射王愉及子荊州刺史綏謀襲裕事泄族誅綏

弟子慧龍為僧彬所匿得免

慧龍後奔秦又自秦奔魏

魏以中土蕭條

詔縣戶不滿百者罷之丁卯劉裕還鎮東府桓玄至

尋陽郭昶之給其器用兵力辛未玄逼帝西上劉毅帥何

無忌劉道規諸軍追之玄留龍驤將軍何澹之前將軍郭

銓與郭昶之守湓口

驥思將翻澹徒覽翻昶丑兩翻湓蒲奔翻

玄於道自作

起居注

杜佑通典曰周官有左右史蓋今起居注之本動則左史書之言則右史書之左史記言右史

記事漢武帝有禁中起居注後漢馬皇后撰明帝起居注則漢起居注似在宮中為女史之任其後起居皆近侍之臣錄記也歷代有其職而無其官後魏始置起居令史每行幸宴會則在御左右記錄帝言後又別置修起居注叙討劉裕事自謂經略舉無遺策諸軍違節度以

致犇敗專覃思著述

覃深也廣也思相吏翻

不暇與羣下議時事

起居注既成宣示遠近

丙戌劉裕稱受帝密詔以武

陵王遵承制總百官行事加侍中大將軍因大赦惟桓

玄一族不宥

劉敬宣高雅之結青州大姓及鮮卑豪

帥謀殺南燕主脩德

帥所類翻

推司馬休之為主脩德以劉

軌為司空甚寵信之雅之欲邀軌同謀敬宣曰劉公衰

老有安齊之志不可告也雅之卒告之

卒子恤翻

軌不從謀

頗泄敬宣等南走南燕人收軌殺之追及雅之又殺之

敬宣休之至淮泗間聞桓玄敗遂來歸

敬宣等奔南燕事見上卷元興

元劉裕以敬宣為晉陵太守

南燕主脩德聞桓玄敗

命北地王鍾等將兵欲取江南會脩德有疾而止

苗魯莊公

伐齊納子糾小白自莒先入所以有乾時之敗當此之時建康已定使慕容鍾等之師果進劉裕固有以待之

矣將即亮翻

夏四月己丑武陵王遵入居東宮內外畢敬

遷除百官稱制書教稱令書以司馬休之監荆益梁寧

秦雍六州諸軍事領荊州刺史

劉毅等之兵既進故預以休之鎮南蕃監工衛

翻雍於用翻

庚寅桓玄挾帝至江陵桓石康納之玄更署置

百官以卞範之為尚書僕射自以犇敗之後恐威令不行乃更增峻刑罰衆益離怨殷仲文諫玄怒曰今以諸將失律天文不利故還都舊楚而羣小紛紛妄興異議

方當糾之以猛未可施之以寬也荆江諸郡聞玄播越

有上表特問起居者玄皆不受更令所在賀遷新都

唐人

所謂難將一人手掩盡天下目桓玄是也初王謐為玄佐命元臣玄之受禪

禪時謐手解帝璽綬璽斯氏翻及玄敗衆謂謐宜誅劉

裕特保全之劉毅嘗因朝會問謐璽綬所在璽斯氏翻

直遙謐內不自安逃犇曲阿劉昫曰唐潤州丹陽縣古曲阿縣地裕賤白

武陵王迎還復位 桓玄兄子歆引氏帥楊秋寇歷陽

帥所魏詠之帥諸葛長民劉敬宣劉鍾共擊破之帥讀

類翻

日率

下斬楊秋於練固

練固在歷陽西北

使武衛將軍庾稚祖江

夏太守桓道恭帥數千人就何澹之等共守湓口何無

忌劉道規至桑洛洲

桑洛洲在湓城東北大江中杜佑曰桑洛洲在江州都昌縣漢之彭

澤縣也

庾戌澹之等引舟師逆戰澹之常所乘舫

舫南安翻方舟

也

羽儀旗幟甚盛

幟昌志翻

無忌曰賊帥必不居此

帥所類翻

欲

詐我耳宜亟攻之衆曰澹之不在其中得之無益無忌

曰今衆寡不敵戰無全勝澹之既不居此舫戰士必弱

我以勁兵攻之必得之得之則彼勢沮而我氣倍因而

薄之破賊必矣

沮在呂翻

道規曰善遂往攻而得之因傳呼

曰已得何澹之矣澹之軍中驚擾無忌之衆亦以為然

乘勝進攻澹之等大破之無忌等克湓口進據尋陽遣

使奉送宗廟主柁還京師

柁音石廟中藏木主石室也既克尋陽宗廟主柁乃得還

加劉裕都督江州諸軍事桑洛之戰胡藩所乘艦為官

軍所燒藩全鎧入水潛行三十許步乃得登岸

艦戶黠翻鎧苦

亥翻時江陵路已絕

官軍既克尋陽故江陵之路絕

乃還豫章劉裕素聞

藩為人忠直引參領軍軍事

桓玄收集荊州兵曾未

三旬有衆二萬樓船器械甚盛甲寅亥復帥諸軍挾帝
東下以符宏領梁州刺史為前鋒又使散騎常侍徐放
先行說劉裕等曰若能旋軍散甲當與之更始各授位
任令不失分

復扶又翻說輸芮翻
更工衡翻分扶問翻

劉裕以諸葛長民都

督淮北諸軍事鎮山陽以劉敬宣為江州刺史

柔然

可汗社崙從弟悅代大那謀殺社崙

崙盧昆翻從才用
翻那與那同奴何

翻不克奔魏

燕王熙於龍騰苑起逍遙宮連房數百

鑿曲光海盛夏士卒不得休息暍死者大半

去年熙起
龍騰苑暍

於歇翻
傷暑也

西凉世子譚卒

劉毅何無忌劉道規下邳

太守平昌孟懷玉帥衆自尋陽西上

帥讀曰率
上時掌翻

五月癸

酉與桓玄遇於崢嶸洲

水經注江水東過武口又東右
得李姥浦北對崢嶸洲劉毅破

桓玄處在今黃州壽昌軍之間杜佑曰崢
嶸洲在鄂州武昌縣崢仕耕翻嶸戶萌翻

毅等兵不滿

萬人而玄戰士數萬衆懼之欲退還尋陽道規曰不可

彼衆我寡彊弱異勢今若畏懦不進必為所乘雖至尋

陽豈能自固玄雖竊名雄豪內實怵怯

怵曲陽翻
亦怯也

加之

已經犇敗衆無固心決機兩陣將雄者克

將即亮翻

不在衆

也因麾衆先進殺等從之玄常漾舸於舫側以備敗走

舸古
我翻

由是衆莫有鬪心殺等乘風縱火盡銳爭先玄衆

大潰燒輜重夜遁

重直
用翻

郭銓詣殺降玄故將劉統馮稚

等聚黨四百人襲破尋陽城

降戶江翻
將即亮翻

殺遣建威將軍

劉懷肅討平之懷肅懷敬之弟也

劉懷敬見一百一
十一卷隆安三年

玄

挾帝單舸西走留永安何皇后及王皇后於巴陵

永安
何皇

后穆帝章皇后也
王皇后帝之后也

殷仲文時在玄艦求出別船收集散

卒因叛玄奉二后奔夏口

夏戶
雅翻

遂還建康已卯玄與帝

入江陵馮該勸使更下戰玄不從欲犇漢中就桓希

桓希

時為梁州刺史

而人情乖沮號令不行

沮在呂翻

庚辰夜中處分欲

發

處昌呂翻分扶問翻

城內已亂乃與親近腹心百餘人乘馬出

城西走至城門左右於闇中斫玄不中

不中竹仲翻

其徒更

相殺害

更工衛翻

前後交橫玄僅得至船左右分散惟卞範

之在側辛巳荊州別駕王康產奉帝入南郡府舍太守

王騰之帥文武為侍衛

帥讀曰率下同

玄將之漢中屯騎校尉

毛脩之璩之弟子也誘玄入蜀玄從之

誘音酉

寧州刺史

毛璠

璠音繁

璠之弟也卒於官璠使其兄孫祐之及參軍

費恬帥數百人送璠喪歸江陵

費扶翻

壬午遇玄於枚回

洲

水經注江水逕江陵縣南有洲曰枚回洲

祐之恬迎擊玄矢下如雨玄嬖

人丁仙期萬蓋等以身蔽玄皆死

嬖卑義翻又博計翻

益州督護

漢嘉馮遷抽刀前欲擊玄拔頭上玉導與之

魏晉以來冠幘

有簪有導至尊以玉為之導引也所以引髮入冠幘之內也

曰汝何人敢殺天子遷

曰我殺天子之賊耳遂斬之又斬桓石康桓濬庾曠之

曠土

執桓昇送江陵斬於市乘輿返正於江陵以毛脩

之為驍騎將軍

乘繩證翻驍堅堯翻騎奇寄翻

甲寅大赦諸以畏逼從

逆者一無所問戊寅奉神主於太廟

納尋陽所奉送宗廟主祐也

劉

毅等傳送玄首梟于大桁

傳株戀翻梟堅堯翻

毅等既戰勝以為

大事已定不急追躡又遇風船未能進玄死幾一旬

居幾

希翻又音祈

諸軍猶未至時桓譙匿於沮中

沮中臨沮上下為

二縣皆其地也沮干余翻

揚武將軍桓振匿於華容浦

華容縣自漢以來屬南郡

水經注江水左迤為中夏口右則中郎浦出焉華容縣今在監利縣界晉書振傳曰匿於華容之浦中左傳閭

教游涌而逸杜預注云涌水在南郡華容縣涌音勇

故將王稚徽戍巴陵遣人

報振云桓歆已克京邑馮稚復克尋陽

將即亮翻復扶
又翻下復陷同

劉毅諸軍並中路敗退振大喜聚黨得二百人襲江陵

桓謙亦聚衆應之閏月己丑復陷江陵殺王康產王騰

之振見帝於行宮躍馬奮戈直至階下問桓昇所在聞

其已死瞋目謂帝曰

瞋七
人翻

臣門戶何負國家而屠滅若

是琅邪王德文下牀謂曰此豈我兄弟意邪振欲殺帝

謙苦禁之乃下馬斂容致拜而出壬辰振為立舉哀立

喪庭謚曰武悼皇帝

為于
偽翻

癸巳謙等帥羣臣奉璽綬於

帝曰

帥讀曰率

主上法堯禪舜今楚祚不終百姓之心復歸

於晉矣以琅邪王德文領徐州刺史振為都督八郡諸
軍事荊州刺史譙復為侍中衛將軍加江豫二州刺史
帝侍御左右皆振之腹心振少薄行立不以子姪齒之
行下孟翻以年叙長幼為齒又

齒列也言不使預子姪之列

至是歎曰公昔不早用

我遂致此敗若使公在我為前鋒天下不足定也今獨
作此安歸乎遂縱意酒色肆行誅殺譙勸振引兵下戰
已守江陵振素輕譙不從其言劉毅至巴陵誅王稚微

何無忌劉道規進攻桓謙於馬頭

馬頭岸在大江南岸北對江津口

桓

蔚於龍泉

水經注靈溪之東有龍陂廣員二百餘步水至淵深有龍見於其中故曰龍陂

皆破

之蔚祕之子也

桓祕見一百三卷孝武寧康元年

無忌欲乘勝直趣江

陵

趣七喻翻

道規曰兵法屈申有時不可苟進諸桓世居西

楚羣小皆為竭力振勇冠三軍

為于偽翻冠古玩翻

難與爭鋒且

可息兵養銳徐以計策縻之不憂不克無忌不從振逆

戰於靈溪

水經注江水自江陵縣南東逕燕尾洲北合靈溪水江溪之會有靈溪戍背阿面江西帶

溪馮該以兵會之無忌等大敗死者千餘人退還尋陽

與劉毅等上牋請罪

上時掌翻

劉裕以毅節度諸軍免其責

州刺史桓振以桓蔚為雍州刺史鎮襄陽

雍於用翻

柳約之

羅述甄季之聞桓立死自白帝進軍至枝江

枝江縣自漢以來屬

南郡我朝省為鎮屬松滋縣甄之人翻

聞何無忌等敗於靈溪亦引兵退

俄而述季之皆病約之詣桓振偽降欲謀襲振事泄振

殺之約之司馬時延祖

時姓也

涪陵太守文處茂收其餘

衆保涪陵

處昌呂翻涪音浮

六月毛璩遣將攻漢中斬桓希璩

自領梁州

秋七月戊申永安皇后何氏崩

燕苻昭

儀有疾龍城人王榮自言能療之昭儀卒

卒子恤翻

燕王熙

立榮於公車門支解而焚之

八月癸酉塋穆章皇后

于永平陵

魏置六謁官準古六卿

九月刁騁謀反

伏誅刁氏遂亡

刁達之誅惟赦騁而雍得逃走投北騁又誅則江南之刁氏亡矣

刁氏

素富奴客縱橫

孟橫尸翻

專固山澤為京口之患劉裕散其

資蓄令民稱力而取之

稱尺證翻

彌日不盡時州郡飢弊民

賴之以濟乞伏乾歸及楊盛戰於竹嶺

上邽西南有南山竹嶺

為

盛所敗

敗補邁翻

西凉公嵩立子歆為世子

嵩古老翻

魏主

珪臨昭陽殿改補百官引朝臣文武親加銓擇隨才授

任

朝直
遙翻

列爵四等王封大郡公封小郡侯封大縣伯封

小縣其品第一至第四舊臣有功無爵者追封之宗室

疏遠及異姓襲封者降爵有差又置散官五等其品第

五至第九

散悉
宣翻

文官造士才能秀異武官堪為將帥者

其品亦比第五至第九

將即亮
帥所類
翻

百官有闕則取於其

中以補之其官名多不用漢魏之舊倣上古龍官鳥官

左傳邾子曰昔太皞氏以龍紀故為龍師而龍名我高祖少皞摯之立也鳳鳥適至故為鳥師而鳥名鳳鳥氏

歷正也玄鳥氏司分者也伯趙氏司至者也青鳥氏司啟者也丹鳥氏司閉者也祝鳩氏司徒也鵙鳩氏司馬也鳩鳩氏司空也爽鳩氏司寇也鵲鳩氏司事也五鳩鳩民者也五雉為五工正九扈為九農正杜預註曰太皞氏有龍瑞故以龍名官應劭曰以龍紀其官長春官為青龍夏官為赤龍秋官為白龍冬官為黑龍中官為黃龍張晏曰庖犧將興神龍負圖而至因以名官與師也謂諸曹之使為鳧臯

魏書官氏

志作諸曹走使

取其飛之迅疾也謂候官伺察者為白鷺取其

延頸遠望也餘皆類此盧循寇南海攻番禺

番禺音潘禺音愚

廣州刺史濮陽吳隱之拒守百餘日

濮博木翻

冬十月壬戌

循夜襲城而陷之燒府舍民室俱盡執吳隱之循自稱

平南將軍攝廣州事聚燒骨為共冢墓於洲上得髑髏

三萬餘枚

髑髏徒谷翻髑髏郎侯翻說文曰髑髏頂也

又使徐道覆攻始興

孫吳

皓甘露元年分桂陽南部都尉立始興郡唐為韶州

執始興相阮腆之

相息亮翻腆它典翻

劉裕領青州刺史

劉毅免青州裕自領之

劉敬宣在尋陽聚糧

繕船未嘗無備故何無忌等雖敗退賴以復振

復扶又翻下復

同桓玄兄子亮自稱江州刺史寇豫章敬宣擊破之劉

毅何無忌劉道規復自尋陽西上至夏口

夏戶雅翻

桓振遣

鎮東將軍馮該守東岸揚武將軍孟山圖據魯山城輔

國將軍桓仙客守偃月壘衆合萬人水陸相援毅攻魯

山城道規攻偃月壘無忌遏中流自辰至午二城俱潰

漢水與江會于魯山西南漢水之左有却月城亦曰偃月壘故曲陵縣也後更為沙羨縣治

生禽山

圖仙客該走石城

走音奏竟陵縣古石城戍也郢州圖經曰子城三面墉基皆天造正西絕

壁下臨漢江石城之名蓋本於此

辛巳魏大赦改元天賜築西宮十

一月魏主珪如西宮命宗室置宗師八國置大師小師

州郡亦各置師以辨宗黨舉才行如魏晉中正之職

魏書

官氏志曰以八國姓族難分故國立大師小師令辨其宗黨品舉人才自八國以外郡各立師職分如八國比

今之中正也宗室立宗師亦如州郡八國之職行下孟翻

燕王熙與苻后遊畋

北登白鹿山東踰青嶺

水經註大遼水東南過遼東郡房縣西又右會白狼水水出右

北平白狼縣東南北屈逕白鹿山西即白狼山也青嶺即青陁在龍城東南四百餘里魏收地形志建德郡石城縣有白鹿山祠南臨滄海而還滄海在遼西郡海陽縣南還從宣翻又如字士卒

為虎狼所殺及凍死者五千餘人十二月劉毅等進

克巴陵毅號令嚴整所過百姓安悅劉裕復以毅為充

州刺史桓振以桓放之為益州刺史屯西陵文處茂擊

破之放之走還江陵

高句麗侵燕

句如字又音駒麗力知翻

戊

辰魏主珪如豺山宮 是歲晉民避亂襁負之淮北者

道路相屬

襁居兩番
屬之欲翻



資治通鑑卷一百一十三



總校官庶吉士臣侍朝

校對官檢討臣王坦修

膳錄貢生臣張誠智

膳錄監生臣張承恩